

Oslo, 3. februar 2025

Avtale om prinsipper for talgrunnlag m.m. i jordbrukspolitikken

Partia bak denne avtalen, som utgjør eit fleirtal på Stortinget, meiner det er viktig å sikre forhandlingsinstituttet i jordbruket. Denne avtala sikrar ein modell for måling av inntektsnivå i jordbruket som kan stå seg over tid. Modellen vil i seg sjølv ikkje bidra til at det oppstår eit inntektsgap etter opptrappingsperioden.

1. Timetalet per årsverk i jordbruket vert redusert med 50 timar til 1700 timar i to like trinn med verknad for kalenderåra 2026 og 2027.

2. Normeringsfaktoren, avsetning til investeringar i avskrivbar eigenkapital og samanlikningsgruppe ligg fast i talgrunnlaget slik det vert nytta ved jordbruksoppgjøret 2024.

3. Regjeringa kjem i vår med framlegg til jordbrukskonto, med verknad frå og med inntektsåret 2025.

4. Ny målsetting om produksjon av økologisk mat:

«Eit produksjonsmål der 10 % av det totale jordbruksarealet skal vere økologisk innan 2032, kombinert med verkemiddel som stimulerer til auka omsetnad og etterspurnad av økologisk mat i marknaden. Regjeringa skal våren 2025, i «Nasjonal strategi for økologisk jordbruk», kome attende med framlegg til korleis ein kan auke etterspurnaden etter økologisk mat gjennom ulike konkrete tiltak som legg til rette for auka etterspurnad både frå private og det offentlege. Det skal mellom anna vurderast om det er tiltak i Danmark og Sverige som kan nyttast i Noreg. Det skal vera eit særleg fokus på at norsk økologisk produksjon skal kunne møte ein auka etterspurnad.»

5. Ei semje om ei kraftig prioritering av Nord-Noreg i neste jordbruksoppgjøret.

Desse partia viser til at oppfylging av denne avtala inneber at rapporteringa på vedtak nr. 847, 21. juni 2024 kan avsluttast. Partia forpliktar seg til å gjera naudsynte vedtak i Stortinget for å fylgje opp denne avtala.

Rune Støstad, Arbeiderpartiet

Geir Pollestad, Senterpartiet

Alfred Bjørlo, Venstre

Dag-Inge Ulstein, KrF

Irene Ojala, PF